

Zhvillimet e Tregut të Sigurimeve në Shqipëri sipas Prefekturave për vitin 2007


“Gjeografia e sigurimeve 2007” është një publikim statistikor, i cili realizohet për herë të parë nga Autoriteti i Mbikëqyrjes Financiare. Në thelb të këtij publikimi përfshihet informacioni mbi shpërndarjen e primeve dhe produkteve të sigurimit sipas prefekturave, i shoqëruar me informacion mbi dendësinë e sigurimeve (pra primi i sigurimit për frymë sipas prefekturave).

Infrastruktura ekzistuese për të dhënat e vitit 2007, si dhe mungesa e një baze të mirëfilltë të dhënash, kanë qenë dhe sfidat kryesore në finalizimin e këtij produkti. Si publikim i parë në llojin e vet, pavarësisht nga përafrimi i vlerave të disa produkteve për zona të caktuara, “Gjeografia e Sigurimeve 2007” tenton të ndërtojë një bazë të dhënash të munguar, por tepër të nevojshme për tregun e sigurimeve në tërësi. AMF konfirmon që me ngritjen e sistemit online të shitjeve për sigurimin e detyrueshëm motorrik, problemi i të dhënave të strukturuar sipas zonave gjeografike për sigurimin e detyrueshëm motorrik eliminohet për vitin 2008.

Një strukturim i tillë i informacionit bën të mundur analizimin më të mirë të tregut të sigurimeve sipas zonave gjeografike, duke i ardhur në ndihmë mbikëqyrjes në lidhje me evidentimin e përqendrimit të tregut, vete shoqerive si dhe studiuesve të pavarur. Në një këndvështrim afatmesëm sistemimi i të dhënave në këtë formë dhe përmirësimi i vazhdueshëm i raportimit nga operatorët në tregun e sigurimeve mund t'i hapë rrugën publikimeve më komplekse të strukturuar jo vetëm për qëllime informative, por edhe për analiza të mirëfillta të shpërndarjes së rrisqeve, tarifimit të produkteve dhe mbulimeve nga katastrofat sipas zonave gjeografike. Ky përmirësim do të mbështetet nga një sistem elektronik raportimi dhe përpunimi të të dhënave, për të cilin AMF është duke punuar.


Duke i hedhur një vështrim shpërndarjes gjeografike të sigurimeve të bie në sy një përqendrim i tregut të sigurimeve në Prefekturat e mëdha. (në këtë publikim nuk është përfshirë veprimtaria e risigurimeve)

Shpërndarja gjeografike e primit të shkruar bruto



Një tregues i rëndësishëm i tregut të sigurimeve është primi për frymë, i cili për vitin 2007 ishte rreth 1,877 lekë për frymë me një rritje prej 446 lekë krahasuar me një vit më parë.

Primi per fryme sipas prefekturave (ne lekë)




Përsa i përket primit për frymë sipas Prefekturave, prefektura e Tiranës me 4,034 lekë për frymë zë vendin e parë e pasuar nga prefektura Gjirokastrë me 2,219 lekë për frymë dhe më tej Durrësi dhe Vlora përkatësisht me 2,107 lekë për frymë dhe 1,941 lekë për frymë.

Një renditje e tillë ku Gjirokastra renditet e dyta shpjegohet me faktin se këtu popullsia nuk ka ritme rritje si në prefekturat e Shqipërisë qendrore dhe bregdetare, dhe se banorët e kësaj prefekturë nuk shpenzojnë më shumë për produktet e sigurimit, por si një prefekturë kufitare mjetet që kalojnë drejt Greqisë blejnë produktin e Kartonit Jeshil. Prefektura të mëdha si Durrësi dhe Vlora janë normale në këtë renditje.

Sigurimi i Jo-Jetës

Sigurimi i Jo-Jetës zë 93.07% të tregut të sigurimeve.


Shpërndarja gjeografike e primit të shkruar bruto Jo-Jeta



Duke analizuar sigurimet e jo-jetës shohim se *Sigurimi Motorrik* zë 76.95% dhe *Sigurimi Jo Motorrik* zë 23.05% .

Sigurimi Motorrik


Ndarja e produkteve të *Sigurimit Motorrik* sipas prefekturave:



Peshën më të madhe në prime të shkruara bruto në sigurimin motorrik e zë Prefektura Tiranë me 42.97% e më pas Durrësi me 13.58%, Fieri me 7.61% dhe Vlora me 7.27%, kjo e shpjeguar me faktin e përqëndrimit më të madh të popullsisë në këto prefektura, por prefekturat e Durrësit dhe Vlorës duke qenë dhe prefektura bregdetare.

Sigurimi Jo Motorrik

Tregu i produkteve Jo Motorrike të sigurimit mbetet ende në nivele të ulta, duke patur parasysh këtu potencialet e mëdha të pashfrytëzuara që ka vendi. Zhvillimi i tij është i lidhur ngushtë me nivelin ekonomik, por edhe me shkallën e edukimit dhe besimin e konsumatorëve ndaj operatorëve të tregut.




Të bie në sy në Sigurimin Jo Motorrik rreth 80% të primeve të shkruara bruto e zë Prefektura Tiranë. Pavësisht përqëndrimit të bizneseve dhe Bankave në Tirane shpërndarja gjeografike e sigurimeve Jo Motorrike mbart deviacineve përsa i përket prefekturës ku ndodhet përgjegjësia e siguruar dhe primit të shkruar të raportuar, ku në të shumtën e rasteve lidhja e kontratave të sigurimit bëhet në prefekturën e Tiranës ku ndodhen dhe Drejtoritë e Përgjithshme të Shoqërive të sigurimit.

Sigurimi i Jetës

Edhe në produktet e Jetës shihet se Prefektura Tiranë zë rreth 80% të tregut.

Shpërndarja gjeografike e primit të shkruar bruto Jeta



Siç shihet dhe në grafik në prefekturat e mëdha ku është përqëndruar biznesi dhe bankat pesha specifike e produkteve të Jetës është më e larta. Peshën më të madhe prej rreth 76% në të ardhurat e sigurimit të Jetës e zë produkti “Jetë Debitor”. Ky produkt i sigurimit është kërkesë e Bankave të nivelit të dytë për ofrimin e kredive individëve dhe personave juridikë.